

जनयति तं कृत्स्नं यज्ञं जनयित्वा तमात्मन्धत्ते तमात्मन्कुरुते ॥५॥ ब्राह्मणम्  
॥ ७ [५. ६.] ॥

ता वाऽएताः । चतुस्त्रिंशद्ब्राह्मणतयो भवन्ति प्रायश्चित्तयो नामैष वै प्रजाप-  
तिर्य एष यज्ञस्तायते यस्मादिमाः प्रजाः प्रजाता एतन्वेवाप्येतर्ह्यनु प्रजायन्ते ॥१॥  
अष्टौ वसवः । एकादश रुद्रा द्वादशादित्या इमेऽएव द्यावापृथिवी त्रयस्त्रिंश्यौ  
त्रयस्त्रिंशद्वै देवाः प्रजापतिश्चतुस्त्रिंशस्तदेनं प्रजापतिं करोत्येतद्वाऽअस्त्येतद्व्यमृ-  
तं यद्व्यमृतं तद्व्यस्त्येतदु तद्यन्मर्त्यं स एष प्रजापतिः सर्वं वै प्रजापतिस्तदेनं  
प्रजापतिं करोति तस्मादिताश्चतुस्त्रिंशद्ब्राह्मणतयो भवन्ति प्रायश्चित्तयो नाम ॥२॥  
ता ह्येके । यज्ञतन्व इत्याचक्षते यज्ञस्य ह वैवैतानि पर्वणि स एष यज्ञस्ताय-  
मान एता एव देवता भवन्नेति ॥३॥ सा यदि धर्मदुष्टा ह्वलेत् । अन्यामुपसं-  
क्रामेयुः स यस्यामेवैनं वेलायां पुरा पिन्वयन्ति तद्वैवैनामुदीचीं स्थापयेदग्रेण  
वा शालां प्राचीम् ॥४॥ तद्येऽएतेऽअभितः । पुष्काण्डं शिखण्डास्थेऽउह्यते  
तयोर्यद्वक्षिणं तस्मिन्नेताश्चतुस्त्रिंशतमाज्याहुतीर्जुहोत्येतावान्वै सर्वा यज्ञो या-  
वत्य एताश्चतुस्त्रिंशद्ब्राह्मणतयो भवन्ति तदस्यां कृत्स्नमेव सर्वं यज्ञं दधात्येषा ह्य-  
तो धर्मं पिन्वतऽएषो तत्र प्रायश्चित्तिः क्रियते ॥५॥ अथ यद्यज्ञस्य ह्वलेत् । त-  
त्समन्वीक्ष्य जुहुयाद्दीक्षोपसत्स्वाहवनीये प्रसुतऽआग्नीध्रे वि वाऽएतद्यज्ञस्य पर्व-  
स्रंसते यद्बलति सा यैव तर्हि तत्र देवता भवति तयैवैतद्विषज्यति तया संद-  
धाति ॥६॥ अथ यदि स्कन्देत् । तदद्भिरुपनिनयेदद्भिर्वाऽइदं सर्वमाप्तं सर्वस्यैवा-  
त्यै वैलववारुण्यऽर्चा यद्वाऽइदं किं चार्हति वरुण एवेदं सर्वमार्पयति ययोरो-  
जसा स्कमिता रजांसि वीर्येभिर्वीरितमा शविष्ठा । या पत्येतेऽअप्रतीता सहो-  
भिर्विष्णुऽअगन्वरुणा पूर्वहृताविति यज्ञो वै विष्णुस्तस्यैतदार्हति वरुणो वाऽआ-  
र्पयिता तद्यस्याश्चैवैतदेवताया आर्हति यो च देवतार्पयति ताभ्यामवैतदुभाभ्यां